

UNIVERZITET U SARAJEVU - FILOZOFSKI FAKULTET

Na osnovu članova 106. Zakona o visokom obrazovanju ("Službene novine Kantona Sarajevo" broj: 36/22), članova 129. i 135. Statuta Univerziteta u Sarajevu (broj: 01-1093-3-1/18 od 28. 11. 2018. godine, člana 21. do 27. Pravila studiranja za treći ciklus studija na Univerzitetu u Sarajevu – doktorski studij broj: 01-1101-79-1/18 od 19.12.2018, Odluke Senata o dopuni Pravila studiranja za treći ciklus studija na Univerzitetu u Sarajevu broj: 01-3-40/19 od 30. 01. 2019. godine, Odluke Senata o izmjeni i dopuni Pravila studiranja za treći ciklus studija na Univerzitetu u Sarajevu broj: 01-32-137/19 od 30. 10. 2019. godine, Tumačenja Pravila studiranja za treći ciklus studija na Univerzitetu u Sarajevu – doktorski studij broj: 01-17-104/20 od 22. 07. 2020. godine, Odluke Senata Univerziteta o saglasnosti za otvaranje trećeg ciklusa studija iz historije broj: 01-38-767/11 od 30. 03. 2011. godine, Prijedloga Vijeća dokorskog studija od 18. 5. 2023. godine, Prijedloga odluke Vijeća Univerziteta u Sarajevu - Filozofskog fakulteta broj: 03-09/190 od 1. 6. 2023. godine, Odluke Senata Univerziteta o saglasnosti na raspisivanje Konkursa za upis kandidata na treći ciklus studija – doktorski studij iz *Historije* u studijskoj 2023/2024. godini broj: 01-12-23/23 od 22. 6. 2023. godine, Univerzitet u Sarajevu - Filozofski fakultet *objavljuje*

KONKURS

Za upis studenata u TREĆI CIKLUS STUDIJA – DOKTORSKI STUDIJ IZ HISTORIJE, na Univerzitetu u Sarajevu - Filozofskom fakultetu, u studijskoj 2023/2024. godini.

I

Konkurs se raspisuje za upis studenata u treći ciklus studija - doktorski studij iz historije, na četiri smjera:

1. Prostor Bosne i Hercegovine u kontekstu antičke Europe i Mediterana;
2. Historija srednjovjekovne Bosne;
3. Historija Bosne i Hercegovine u osmanskome periodu (1463-1839) i
4. Historija Bosne i Hercegovine u 19. i 20. stoljeću.

Studij se organizira u trajanju od tri godine, a njegovim završetkom stiče se naučno zvanje DOKTOR HISTORIJSKIH NAUKA.

II

Pravo pristupa doktorskom studiju i podnošenje prijave imaju sljedeći kandidati:

1. Kandidati koji su stekli diplomu drugog ciklusa studija, akademsku titulu i stručno zvanje magistra iz odgovarajuće oblasti nauka na Filozofskom fakultetu Univerziteta u Sarajevu.
2. Kandidati koji su stekli diplomu drugog ciklusa studija, akademsku titulu i stručno zvanje magistra iz odgovarajuće oblasti nauka na drugoj visokoškolskoj ustanovi u Bosni i Hercegovini.

3. Kandidati koji su stekli diplomu drugog ciklusa studija, akademsku titulu i stručno zvanje magistra iz odgovarajuće oblasti nauka na drugoj visokoškolskoj ustanovi u inostranstvu nakon provedenog postupka sticanja uslova za upis na doktorski studij u skladu sa uvjetima ovog konkursa.
4. Kandidati koji su stekli naučni stepen magistra historijskih nauka po ranijem Zakonu o visokom obrazovanju, kojima se priznaje 60 (E)CTS bodova.
5. Kandidati strani državljani prijavljuju se na konkurs pod istim uslovima kao i državljani Bosne i Hercegovine, uz uvjet da dostave rješenje o priznavanju inostranih visokoškolskih kvalifikacija.

III

Uz prijavu na konkurs, kandidati su obavezni dostaviti:

1. Diplomu o završenom prethodnom obrazovanju/ Diploma sa Dodatkom diplome (original ili ovjerenu fotokopiju);
2. Uvjerenje o položenim ispitima na prethodnom studiju (original ili ovjerenu fotokopiju);
3. Rješenje o akademskom priznavanju inostranih visokoškolskih kvalifikacija koja je stečena u inostranstvu ili diplome stečene u nekoj od država bivše Jugoslavije nakon 6. 4. 1992. godine (original ili ovjerenu fotokopiju);
4. Izvod iz matične knjige rođenih (original ili ovjerenu fotokopiju);
5. Uvjerenje o državljanstvu (original ili ovjerenu fotokopiju);
6. Biografiju
7. Uvjerenje o poznavanju stranog jezika (original ili ovjerenu fotokopiju)

IV

Cijena školarine iznosi 4. 000, 00 KM po godini studija.

V

Nastava za studij će se organizovati za sve kandidate koji ostvare pravo na upis.

VI

U skladu sa članom 26c. Pravila studiranja za treći ciklus studija na Univerzitetu u Sarajevu – Doktorski studij, studenti dokorskog studija mogu studirati u punom radnom vremenu ili u dijelu radnog vremena (studij se organizira kao redovni i kao vanredni studij u zavisnosti od interesa i mogućnosti pohađanja prijavljenih kandidata).

VII

Konkurs ostaje otvoren 15 dana od dana objavljivanja.

Prijave dostaviti u zatvorenoj koverti putem pošte na adresu: Univerzitet u Sarajevu - Filozofski fakultet, ulica Franje Račkog br. 1, 71000 Sarajevo, sa naznakom „Prijava za upis na doktorski studij iz historije“

Obrazac prijave može se preuzeti sa WEB adrese Fakulteta www.ff.unsa.ba.